

SESION ORDINARIA CELEBRADA POLO PLENO DO CONCELLO
O DIA 27 / MAIO / 1996

S U M A R I O

- 1.- APROBACION NO SEU CASO, DA ACTA DA ULTIMA SESION.
- 2.- DAR CONTA DAS RESOLUCIONS DICTADAS POLA ALCALDIA, DENDE A ULTIMA SESION.
- 3.- DAR CONTA DE EXPEDIENTE MODIFICACION DE CREDITO 5/96.
- 4.- APROBACION EXPEDIENTE MODIFICACION DE CREDITO 6/96.
- 5.- PROPOSTA DO PRESIDENTE DA COMISION INFORMATIVA DE FACENDA E PATRIMONIO REFERIDA AS RETRIBUCIONS DA ALCALDIA.
- 6.- PROPOSTA DA COMISION INFORMATIVA DE URBANISMO, VIAS E OBRAS S/NORMALIZACION DE FINCAS EN PARADA-CHAPELA
- 7.- PROPOSTA DA COMISION INFORMATIVA DE URBANISMO, VIAS E OBRAS S/ APROBACION-DEFINITIVA PROXECTO URBANIZACION ZONA DE CESION DE PARCELA NA RUA PAI CRESPO.
- 8.- DICTAME DA COMISION INFORMATIVA DE INTERIOR S/ ESTRUCTURACION DUN SERVICIO DE ATENCION E INFORMACION ADMINISTRATIVA.
- 9.- PROPOSTA DA ALCALDIA REFERIDA A CONTRATACION DE D. JESUS CAMESELLE BEN COMO ANIMADOR SOCIO-CULTURAL DO CONCELLO.
- 10.- RECOLLIDA DO LIXO.
- 11.- ROGOS E PREGUNTAS.

Na Sala de Sesiões do Concello de Redondela, ás vinte horas do día 27 de Maio de mil novecentos noventa e seis baixo a Presidencia do Sr. Alcalde Acctal. D. EMILIO GONZALEZ IGLESIAS, e a asistencia dos Sres/as Concelleiros/as: D. MANUEL ALONSO LEMOS, Da. MARIA DEL CARMEN BASTOS RODRIGUEZ, D. JOSE BLANCO PUGA, Da. FRANCISCA CANAL GOMEZ, D. JAIME DARRIBA VILAS, D. GUMERSINDO FERNANDEZ MENDEZ, D. XOSE LUIS GRANDE GRANDE, D. MANUEL IGLESIAS CARRERA, D. LUIS ALBERTO MIGUEZ DOCAMPO, D. LUIS ALBERTO ORGE MIGUEZ, D. XOSE CARLOS PAZOS DOCAMPO, Da. CECILIA PEREZ ORGE, D. MANUEL PIÑEIRO COSTAS, D. FRANCISCO PUCH CASAL, D. AMADO RICON VIRULEGIO, D. LUIS RODRIGUEZ VILARCHAN, D. JOSE MANUEL SOTO VIRULEGIO, D. JAIME TORNERO LOPEZ, e Da. JOSEFA VILLAVERDE RODRIGUEZ, actuando como Secretario que certifica, D. LUIS TORRADO VAZQUEZ, se constitúe o Pleno do Ilmo. Concello en sesión ordinaria correspondente ó día da data, conforme á convocatoria e de acordo co Orde do Día remesada a tódolos Sres/as Concelleiros/as coa antelación legalmente requerida. Non asiste D. XAIME REI BARREIRO. Está tamén presente o Sr. Interventor de Fondos D. MODESTO SOLLA SANZ.

A Presidencia declara aberta a sesión en primeira convocatoria, procedéndose a trata-los puntos do Orde do Día.

1.- APROBACION DO SEU CASO, DA ACTA DA ULTIMA SESION.

Autorizado pola Presidencia, polo Sr. Secretario faise constar que nos puntos 5 e 6 da Acta da sesión ordinaria deste Concello Pleno de data 9-5-96, correspondentes a dar conta de expedientes de modificación de créditos 2 e 3/96, erroneamente na transcripción fíxose constar as Resolúcións da Alcaldía ordenando a tramitación dos correspondentes expedientes, cando tiña que haberse feito constar as Resolúcións da Alcaldía aprobando os citados expedientes de modificación de crédito.

Asímesmo polo Concelleiro Sr. Pazos Docampo faise saber que na páxina 26 da citada Acta, no punto 8 de Bases de adxudicación concurso de retirada de vehículos, na votación do acordo correspondente figura que os Sres/a Concelleiros/a do B.N.G. votaron a favor do mesmo, cando en realidade a votación deles foi en contra da aprobación dese punto.

Serie A N.º 0361098

Este Concello Pleno coas rectificacións antes expostas acordou aprobar por unanimidade a Acta da Sesión ordinaria deste Concello Pleno correspondente ó día 9 de maio do ano que andamos.

2.- DAR CONTA DAS RESOLUCIONS DICTADAS POLA ALCALDIA, DENDE A ULTIMA SESION.

Dada conta das Resolucions dictadas pola Alcaldía dende o 3 de Maio de 1996 ata o 22 de Maio de 1.996, a Corporación quedou ENTERADA.-

3.- DAR CONTA DE EXPEDIENTE MODIFICACION DE CREDITO 5/96.

Pola Presidencia dase conta a este Concello Pleno de Decreto da Alcaldía de data 10 de maio de 1996, que transcrito di:

" Visto o expediente de modificación de crédito 5/96 mediante xeración de crédito esta Alcaldía, facendo uso da competencia regulada na base de execución 17a.7 do vixente orzamento xeral acorda:

Primeiro.- Aprobar o expediente de modificación de crédito 5/96 mediante xeración de crédito por importe de 4.000.000 de pesetas distribuídas do seguinte xeito nos estados de ingresos e de gastos do orzamento do Concello:

a) Ingresos	
Subconcepto	Denominación Contía Pts.
96 421 00	Subvención do INEM para a contratación de dous AEDL (5/96)..... 4.000.000

b) Gastos	
Destino	Contía Pts.
96 3221A 141 02	Retribucións axentes de em pregoe desenrololocal (5/96)..... 4.000.000

Segundo.- Dar conta do expediente 5/96 de modificación de crédito á primeira sesión que celebre o Pleno do Concello a partir desta data ".

Este Concello Pleno queda enterado do contido do citado Decreto da Alcaldía.

4.- APROBACION EXPEDIENTE MODIFICACION DE CREDITO 6/96.

Pola Presidencia dase conta este Concello Pleno de expediente de modificación de crédito 6/96, onde consta informe do Sr. Interventor deste Concello de data 20-5-96.

Así mesmo dase conta de Resolución da Alcaldía de data 16-5-96 que di:

"Visto o acordo adoptado polo Pleno deste Concello o día 12.02.96 referido á adquisición de terreos para a construción dun Centro Cultural en Chapela e dado que no estado de gastos do Orzamento municipal para 1996 carécese de crédito destinado á adquisición dos citados terreos esta Alcaldía acorda:

Primeiro.-

Que sexa tramitado o expediente de modificación de crédito 6/96 mediante créditos extraordinarios por importe de 15.000.000 de pesetas (quince millóns de pesetas), destinadas na súa totalidade á adquisición de terreos para a construción dun Centro Cultural en Chapela.

Segundo.-

O expediente de modificación de crédito 6/96 será financiado integralmente mediante préstamo a longo prazo por importe de 15.000.000 de pesetas.

Terceiro.-

Para a tramitación do expediente de modificación de crédito 6/96 seguiranse as normas establecidas na base de execución 12ª do vixente orzamento xeral ".

Este Concello Pleno por unanimidade dos Sres/as Concelleiros/as asistentes á sesión de hoxe, prestoulle a súa aprobación provisoria ó expediente de modificación de crédito 6/96, considerándose este aprobado definitivamente sinón se produxesen reclamacións contra ó mesmo no período de exposición pública.

Serie A N.º 0361099

5.- PROPOSTA DO PRESIDENTE DA COMISION INFORMATIVA DE FACENDA E PATRIMONIO REFERIDA AS RETRIBUCIONS DA ALCALDIA.

Pola Presidencia, dase conta a este Concello Pleno, de Dictamen da Comisión Informativa de Facenda e Patrimonio de data 21-5-96 que di:

" Vista a proposta do Sr. Presidente da Comisión Informativa de Facenda e Patrimonio que di:

Visto o establecido no artigo 75.1 da Lei 7/1985 do 2 de abril, Reguladora das Bases de Réxime Local (BOE número 80, do 03.04.85), así como no artigo 13 do Real Decreto 2568/1986 do 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais, (BOE número 305, do 22.12.86).

Estimando que para a determinación da citada contía deberase partir da última retribución percibida, coas actualizacións correspondentes ó persoal ó servicio deste Concello, propono ó Pleno a adopción do seguinte acordo referido ás retribucións da Alcaldía deste Concello:

Primeiro.-- Que a retribución que se propón é:

O Alcalde do Concello de Redondela percibirá en concepto de retribución polo desempeño en réxime de dedicación exclusiva das funcións e contidos propios do seu posto, unha contía mensual igual á última retribución percibida neste Concello (maio 1993) incrementada nas porcentaxes correspondentes ó persoal ó servicio deste Concello, desde aquela ata esta data.

Segundo.-- Que a retribución que se propón é:

O Alcalde percibirá mensualmente as retribucións correspondentes, así como dúas pagas extraordinarias, nos meses de xuño e novembro, cada unha delas polo importe igual ás retribucións dun mes.

Terceiro.-- Que a retribución que se propón é:

As retribucións terán efectos retroactivos desde o día 01.02.96, permanecendo en vigor ata a súa expresa modificación polo Pleno do Concello".

Despois de deliberar, os membros da Comisión Informativa de Facenda e Patrimonio presentes, dictaminan FAVORABLEMENTE a devandita proposta, cos votos a favor dos Concelleiros do P.S.O.E. D. Emilio González Iglesias e D. José Blanco Puga e da Concelleira do B.N.G. Da. Cecilia Pérez Orge, coa abstención dos Concelleiros do P.P. D. Amado Ricón Virulegio, D. José Manuel Soto Virulegio e D. Luís Rodríguez Vilarchán e co voto en contra do Concelleiro do grupo mixto D. Francisco Puch Casal.

Pola Presidencia ábrese o correspondente turno de debate.

Concedida a palabra pola Presidencia ó Concelleiro Sr. Alonso Lemos por este sinálase que non hai motivo de aumento na retribución do Sr. Alcalde e que debería de ser a retribución que para o mesmo figura no ano 1993.

Concedida a palabra pola Presidencia ó Concelleiro Sr. Pazos Docampo por este sinálase que non estima a proposta do Concelleiro Sr. Alonso Lemos pero que si houbera outras propostas o B.N.G. non tería inconvinte en estudialas, indicando por outro lado que hai que ter en conta que hai funcionarios que cobran mais contía que a retribución que se propón para o Sr. Alcalde.

Concedida a palabra pola Presidencia ó Sr. Ricón Virulegio, di que calquera que se presente a unhas eleccións o fai para servir ós cidadáns e sin pensar en intereses personais, considerando que o soldo que o Sr. Alcalde tiña en 1993 é un soldo digno para vivir decentemente, ademáis das dietas, etc., e pensa que o Sr. Alcalde debe ser solidario cos veciños de Redondela. Remata a súa intervención o citado Sr. Concelleiro indicando que na Comisión Informativa abstivéronse para reflexionar o seu voto que neste intre é negativo por razóns éticas.

Polo Concelleiro Sr. González Iglesias sinálase que o Sr. Alcalde por haber cesado como Senador exerce as súas atribucións de forma exclusiva e que a súa proposta é que as retribucións que o mesmo tiña no ano 1993 se lle engadan os demais incrementos que desde ese ano percibiron os demais funcionarios do Concello.

Continúa a súa intervención o citado Sr. Concelleiro decindo que os que exercen as súas funcións dentro da Administración con dedicación exclusiva perciben uns salarios, e que no seu partido (referíndose

Serie A N.º 0361100

ó P.P.) teñen moi claro que os Sres. Alcaldes cobran unha peseta mais que o Sr. Secretario, aínda que non plantexa aquí esta última cuestión citada.

Continúa dirixíndose o Sr. Gonzalez Iglesias ó Concelleiro do P.P. Sr. Ricón Virulegio falando de dobre moral xa que o citado Sr. Concelleiro do P.P. aquí predica unhas cousas e logo acepta outras preguntándolle ó mesmo que é mais importante un Diputado Provincial ou o Sr. Alcalde do Concello de Redondela, referíndose a un Deputado da Deputación Provincial que fai uns días lle senalaban un soldo superior (en trinta mil pesetas aproximadamente ó que se propón para o Sr. Alcalde de Redondela).

Concedida a palabra pola Presidencia ó Concelleiro Sr. Alonso Lemos por este maniféstase que está de acordo no fondo co que di o Concelleiro Sr. Gonzalez Iglesias, pero que o Sr. Alcalde despreocupouse da Alcaldía de Redondela a que delegou en vostede con prexuízo para o Concello. Continúa na súa intervención o referido Sr. Concelleiro indicando que noutras circunstancias debería ter o Sr. Alcalde mais retribucións, pero non neste caso. Remata a súa intervención o Concelleiro Sr. Alonso Lemos decindo que non comparte a opinión do Concelleiro Sr. Pazos Docampo indicando que neste Concello non se atende ó cidadán, e que as propostas dos cidadáns que se ven observando nos Plenos, constitúen unha proba de que isto non funciona.

Concedida a palabra pola Presidencia ó Concelleiro Sr. Pazos Docampo por este maniféstase que debe de fixarse un salario para o Sr. Alcalde sexa quen sexa e referíndose ó Concelleiro Sr. Ricón Virulegio di que o seu criterio en parte parécelle positivo xa que cando sexa Alcalde non lle vai a costar nada ó Concello. Remata a súa intervención o citado Sr. Concelleiro defendendo o seu criterio de que a igual traballo correspóndelle igual salario e cree en definitiva que debe de fixarse o salario do Sr. Alcalde independente da situación da persoa que o desempeña.

Concedida a palabra pola presidencia ó Concelleiro Sr. Ricón Virulegio por este dalle gracias ó Concelleiro Sr. González Iglesias xa que di que este coa súa demagogia explicou o que o P.P. quería explicar.

Polo Concelleiro Sr. González Iglesias maniféstase, referíndose ó Concelleiro Sr. Ricón Virulegio, que o mesmo posiblemente cobre unha pensión e que sumado ó que cobra no Concello e na Deputación Provincial o mesmo cobraría mais cantidade que a que se propón para retribucións do Sr. Alcalde do Concello de Redondela.

Non habendo unanimidade de criterios, pola Presidencia sométese este asunto a votación. Efectuada esta obtívose o seguinte resultado: votan en contra da Proposta do Sr. Presidente da Comisión de Facenda e Patrimonio os Sres/as Concelleiros do P.P. (8), e os Concelleiros Sres. Alonso Lemos e Puch Casal; votan a favor da citada Proposta os Sres/a Concelleiros do PSdeG-P.S.O.E. (6) e os Sres/a Concelleiros do B.N.G. (3). Na súa consecuencia quedou rexeitada a Proposta da Comisión Informativa de Facenda e Patrimonio antes citada.

6.- PROPOSTA DA COMISION INFORMATIVA DE URBANISMO, VIAS E OBRAS S/NORMALIZACION DE FINCAS EN PARADA-CHAPELA.

Pola Presidencia dase conta a este Concello Pleno de Proposta da Comisión Informativa de Urbanismo, Vías e Obras de data 7-5-96 que di:

" Polo Concello Pleno, na súa sesión de data 13 de marzo de 1996, prestouse aprobación inicial ó proxecto de normalización de fincas instada por D. INOCENCIO CABALEIRO PIÑEIRO, e D. JOSE ANGEL BALLESTEROS MOSQUERA (DECORACIONES MOSQUERA S.L.), situadas en Parada-Chapela, dentro dun ámbito calificado como solo non urbanizable común coa calificación de núcleo existente tradicional, sendo o obxecto da normalización a permuta de dúas fincas, segregadas dos orixinais, de superficies idénticas e coa mesma calificación urbanística, coa finalidade de regulariza-los lindeiros das fincas permutadas, sendo as fincas resultantes:

Finca 1.- Propiedade de Decoraciones Mosquera S.L. Superficie 16.336 m².

Finca 2.- Propiedade de Inocencio Cabaleiro Piñeiro. Superficie 1855 m².

Efectuado o regulamento de trámite de información pública mediante anuncios publicados no Diario Faro de Vigo de data 22 de marzo de 1996, Boletín Oficial da Provincia número 66 do día 2 de abril de 1996 e taboleiro de anuncios da Casa do Concello, dándose vista e audiencia - con citación persoal - ós promotores do expediente, non foi presentada alegación algunha.

Serie A N.º 0361101

Visto o artigo 121 do Regulamento de Xestión Urbanística, a Comisión Informativa de Urbanismo, Vías e Obras, en votación ordinaria e por unanimidade dos/as señores/as asistentes estimou oportuno propoñer ó Concello Pleno a adopción dos seguintes acordos:

Primeiro.- Aprobar definitivamente a normalización de fincas instada por D. Inocencio Cabaleiro Piñeiro e D. José Angel Ballesteros Mosquera (Decoraciones Mosquera S.L.), sitas en Parada-Chapela, de acordo co proxecto redactado polo arquitecto Francisco Estévez Cerdeira, visado polo COAG, subdelegación de Vigo, con data 12 de novembro de 1995, sendo as fincas resultantes as descritas na parte expositiva da proposta e no referido proxecto.

Segundo.- Protocolizar notarialmente o acordo e remitir ó Rexistro da Propiedade para a súa oportuna toma de razón".

Este Concello Pleno por unanimidade dos Sres/as Concelleiros/as asistentes á sesión de hoxe, prestoulle a súa aprobación á Proposta da Comisión Informativa de Urbanismo, Vías e Obras antes transcrita.

7.- PROPOSTA DA COMISION INFORMATIVA DE URBANISMO, VIAS E OBRAS S/ APROBACION DEFINITIVA PROXECTO URBANIZACION ZONA DE CESION DE PARCELA NA RUA PAI CRESPO.

Polo Sr. Presidente dase conta a este Concello Pleno de Proposta da Comisión Informativa de Urbanismo, Vías e Obras de data 7-5-96 que transcrita di:

"O Concello Pleno, na súa sesión de data 13 de marzo de 1996 acordou aprobar inicialmente os proxectos de urbanización de zona de cesión da parcela na rúa Pai Crespo, promovido por Promociones Rodríguez y Couñago, S.A., e redactados polos arquitectos Francisco Montoya Castañón e outro polo enxeñeiro técnico industrial D. Xosé Ramón Carballo Alvite.

Efectuado o regulamentario trámite de información pública mediante anuncios publicados no Diario Faro de Vigo de data 22 de marzo de 1996, taboleiro de anuncios da Casa do Concello, Diario Oficial de Galicia número 65 do día 1 de abril de 1996 e notificacións do acordo ó promotor do expediente, non foi formulada alegación algunha.

Vistos os artigos 117.4 e 118.3 d) do Real Decreto Lexislativo 1/1992, do 26 de xuño, polo que se aproba o Texto Refundido da Lei sobre o Réxime do Solo e Ordenación Urbana, e 31.3 e 3 da Lei 11/1985, do 22 de agosto, de Adaptación da do Solo a Galicia, a Comisión Informativa de Urbanismo, Vías e Obras, en votación ordinaria e por unanimidade dos señores asistentes estimou oportuno propoñer ó Concello Pleno a adopción dos seguintes acordos:

Primeiro.- Aprobar definitivamente os devanditos proxectos de urbanización de zona de cesión de parcela na rúa Pai Crespo, sen prexuízo doutras autorizacións que, en todo caso, deberá solicitar e obte-lo promotor do expediente.

Segundo.- Dar conta da aprobación, no término de seis días, á Delegación Provincial da Consellería de Política Territorial, Obras Públicas e Vivenda.

Terceiro.- Publica-lo presente acordo no Diario Oficial de Galicia ".

Non habendo unanimidade de criterios sométese a votación o seguinte asunto.

Efectuado este obtívose o seguinte resultado: abstívose o Concelleiro Sr. Alonso Lemos; votan a favor do presente asunto os Sres. Concelleiros do PSdeG-P.S.O.E.(6), os Sres. Concelleiros do B.N.G. (3) os Sres/as Concelleiros do P.P. (8) e o Concelleiro Sr. Puch Casal. Na súa consecuencia resultou aprobado por maioría de votos o presente asunto.

8.- DICTAME DA COMISION INFORMATIVA DE INTERIOR S/ESTRUCTURACION DUN SERVICIO DE ATENCION E INFORMACION ADMINISTRATIVA.

Pola Presidencia retírase o presente asunto do Orde do Día.

9.- PROPOSTA DA ALCALDIA REFERIDA A CONTRATACION DE D.JESUS CAMESELLE BEN COMO ANIMADOR SOCIO-CULTURAL DO CONCELLO.

Polo Sr. Presidente dase conta a este Concello Pleno de Proposta da Alcaldía de data 16-5-96 que di: "Unha vez rematado o contrato asinado por este Concello con D. Jesús Cameselle Ben para a realización de actividades de animación socio-cultural, considerando:

Serie A N.º 0361102

Primeiro.-

Que a citada persoa está impartindo diversos cursos a numerosos nenos e nenas do Concello, cursos que non é adecuado interromper con anterioridade ás datas inicialmente previstas para o seu remate.

Segundo.-

Que tanto a planificación e organización como a realización de diversas actividades culturais deste Concello precisan dun animador socio-cultural.

Terceiro.-

Que os traballos realizados ata esta data por D. Jesús Cameselle Ben foron plenamente satisfactorios para este Concello.

Esta Acaldía proponlle ó Pleno a adopción do seguinte acordo:

Contratar a D. Jesús Cameselle Ben como animador socio-cultural do Concello de Redondela desde esta data e ata o día 30.09.96, para a realización da totalidade das funcións indicadas no contrato asinado con este Concello o día 05.04.95, percibindo en concepto de retribucións 211.880 pesetas brutas mensuais (duascentas once mil oitocentas oitenta pesetas); contía igual a que percibiu mensualmente deste Concello en aplicación do contrato citado.

Polo Sr. Presidente dase conta de dictame da Comisión Informativa de Facenda e Patrimonio de data 21-5-96 que transcrita di:

" Vista a proposta do Sr. Alcalde referente á contratación de D. Jesús Cameselle Ben como animador socio-cultural do Concello de Redondela, desde a data da proposta ata o día 30.09.96, para a realización da totalidade das funcións que viña desenrolando, segundo o contrato rematado e asinado con este Concello na data 05.04.95, e percibindo unhas retribucións de 211.880.- pesetas brutas mensuais, contía igual á percibida ata a finalización do devandito contrato, a Comisión Informativa de Facenda e Patrimonio dictamina favorablemente e por unanimidade dos membros presentes que, previamente o dictame definitivo da Comisión para posterior aprobación definitiva polo Pleno do Concello, se faga pola Comisión de Cultura, unha valoración das actividades desenroladas por dito animador socio-cultural e así mesmo se realice unha valoración, polos servizos económicos do Concello, dos gastos e ingresos procedentes de ditas actividades.

Así mesmo pola Presidencia, dase conta de informe da Comisión Informativa de Cultura na súa xuntanza do día 21-5-96 que di:

" Examinada a proposta do Sr. Alcalde relativa á contratación de D. Jesús Cameselle Ben como animador socio-cultural do Concello de Redondela que foi discutida tamén na Comisión de Facenda e Patrimonio, en xuntanza celebrada o día 21 de maio, na que esta acordou remiti-la proposta á Comisión de Cultura para que fixe unha valoración das actividades desenvolvidas polo devandito animador socio-cultural, a Comisión, logo de recibir información do devandito señor e, acto seguido, valora-lo informe, decidiu por unanimidade: **informar positivamente á prorroga para que realicen as actividades culturais pendentes.**"

Pola Presidencia ábrese o correspondente turno de debate.

Concedida a palabra pola Presidencia á Concelleira Sra. Pérez Orge, por esta maniféstase que votará favorablemente este asunto coa condición de que se redacten as bases para cubrir este posto de traballo.

Este Concello Pleno por unanimidade aproba a Proposta do Sr. Alcalde dictaminada favorablemente pola Comisión Informativa de Cultura deste Concello e na súa consecuencia prorrogar o contrato de D. Jesús Cameselle Ben hasta o día 30 de Setembro de 1.996.

Neste intre incorpórase á sala de sesións o Concelleiro do P.P. Sr. Rodríguez Vilarchán.

10.- RECOLLIDA DO LIXO.

Pola Presidencia dase conta de escrito de data 22-5-96 asinado polos Concelleiros do PSdeG-P.S.O.E. e do B.N.G. Sres. González Iglesias e Pazos Docampo respectivamente, que di:

" O persoal que cese ou teña cesado desde a finalización da adxudicación da anterior concesión do servizo de recollida do lixo no Concello de Redondela pola finalización dos seus contratos temporais de traballo, continuarán prestando servizos por conta do Concello de Redondela, polo período de 1 mes a partir da data deste documento, ata que se saque a concurso a xestión indirecta do servizo de recollida do lixo, ou sexa adxudicado o concurso en trámite, ou ben se acorde

Serie A N.º 0361103

definitivamente a xestión directa do servizo polo propio Concello de Redondela, respetándose as condicións laborais que tiñan recoñecidas no momento do cese.

No suposto de que se optara definitivamente, pola xestión directa do servizo, na oferta de emprego público, que se efectúe os efectos de cubrir os postos de persoal necesario para atención do servizo, se tomará en consideración, valorándose como méritos o teren prestado servizos anteriormente no servizo de recollida do lixo do Concello de Redondela, computándose a eses efectos tódolos períodos traballados con anterioridade no servizo de recollida do lixo do Concello de Redondela.

No suposto de que se optara pola xestión indirecta do servizo de recollida do lixo do Concello de Redondela, no prego de condicións que rexa o concurso público de adxudicación, deberá establecerse a obrigação, por parte da empresa adxudicataria do servizo, de subrogarse nos contratos do persoal que viñera prestando servizo ata o momento da nova adxudicación.

Pola Presidencia ábrese o correspondente turno de debate.

Concedida a palabra pola Presidencia ó Concelleiro Sr. Puch Casal, por este maniféstase que si no seu día se houbese adxudicado o correspondente concurso para recollida de lixo deste Concello, non habería lugar a tratar este asunto no presente Pleno.

Continúa a súa intervención o citado Sr. Concelleiro afirmando que este non é un problema do Concello, senón da empresa cos seus traballadores, e a empresa correspóndelle a súa resolución mentras a mesma non denuncie o abandono do servizo pola súa parte. Remata a súa intervención o citado Sr. Concelleiro considerando que este asunto é ilegal según consta nos informes dos Sres. Interventor e Secretario deste Concello.

Concedida a palabra pola Presidencia ó Concelleiro Sr. Pazos Docampo por este sinálase que o escrito que se presentou Pleno asinado polo B.N.G. supón por un lado unha aposta do seu Partido de que se siga recollendo o lixo, e por outro lado supón unha defensa dos traballadores da empresa, e remata a súa intervención dicindo que é a única saída que considera posible dentro do que hai nestes intres.

Concedida a palabra pola Presidencia ó Concelleiro Sr. Alonso Lemos, por este sinálase que durante anos a empresa Viaño cumpríu a satisfacción de todos na recollida de lixo deste Concello, e que con independencia de criterios apela á xustiza en defensa da empresa e dos traballadores, e remata a súa intervención pedindo que a Corporación debe chegar a un acordo para zanzar o asunto da recollida do lixo así como que se lle preste apoio o contido do escrito obxecto deste asunto.

Concedida a palabra pola Presidencia ó Concelleiro Sr. Míguez Docampo por este sinálase que o documento que se trae ó Pleno non lle parece correcto pola falta de soporte legal do mesmo segundo informe do Sr. Interventor así como o manifestado polo seu compañeiro Puch Casal, ó non térselle dado solución con anterioridade a este asunto de recollida de lixo polo Grupo de Goberno.

Continúa a súa intervención o citado Sr. Concelleiro, considerando que o problema dos traballadores é un problema da empresa e que o escrito que se trae a este Pleno supón unha municipalización encuberta do servicio de recollida de lixo. Remata a súa intervención indicando que si se pretende levar a cabo esa municipalización se tramite a mesma, e se presente un plan financeiro e que logo se resolvería o que procedese.

Polo Concelleiro Sr. Gonzalez Iglesias sinálase que polo conflito xurdido entre a empresa e os seus traballadores o escrito en cuestión trata de evitar unha folga dos traballadores coas consecuencias nocivas que elo supón, e nunca tivo o escrito en cuestión a consideración dunha municipalización do servicio pola porta falsa, xa que si en un momento se plantexase levar a cabo a aludida municipalización a mesma plantexaríase ante este Pleno, pero hoxe non é ese o motivo e só se pretende evitar unha folga dos traballadores.

Remata a súa intervención dándolle as grazas ós traballadores por evitar a folga en cuestión así como á empresa que sempre cumpríu a satisfacción do Concello, e que os Grupos políticos que non consideren o escrito en cuestión como un medio para evitala folga deben poñer sobre a mesa as medidas conducentes a solucionar os problemas entre os traballadores e a empresa.

Concedida a palabra pola Presidencia ó Concelleiro Sr. Pazos Docampo por este sinálase que hai unha lectura parcial do escrito de referencia por parte do P.P., que podería traer prexuícios para este Concello, e que si houbera por parte do P.P. outra proposta para saír desta situación de folga que se poña

Serie A N.º 0361104

sobre a mesa para o seu estudo, e que o escrito en cuestión non ten que ver en ningún caso coa municipalización do servizo citado.

Remata a súa intervención o citado Sr. Concelleiro sinalado que o P.P. critica pero non da ningunha solución para resolver a cuestión.

Concedida a palabra pola Presidencia ó Concelleiro Sr. Míguez Docampo por este considérase que o P.P. foi o único no Concello que se preocupou do asunto do servizo de recollida de lixo ó que considera un asunto gravísimo, e remata a súa intervención indicando que a actitude do P.S.O.E. non é de resolución do problema, senón de andar a saltos de mata poñendo parches neste asunto.

Polo Concelleiro Sr. González Iglesias respóndeselle ó anterior Sr. Concelleiro que o P.P. non se quixo enterar deste conflito e que si se quedara o Concello sen recollida de lixo sería pola falta de responsabilidade dese grupo político.

Non habendo unanimidade de criterios sométese este asunto a votación.

Efectuada esta obtívose o seguinte resultado: votan en contra do contido do escrito en cuestión os Sres/as Concelleiros do P.P. (9) e o Concelleiro Sr. Puch Casal; votan a favor do mesmo os Sres/as Concelleiros/a do PSdeG-P.S.O.E. (6), os Sres/as Concelleiros/a do B.N.G. (3) e o Concelleiro Sr. Alonso Lemos. Existindo empate entre os votos en contra e os votos a favor, decide o empate o Sr. Presidente co seu voto de calidade emitido favorablemente. Na súa consecuencia resultou aprobado o contido do escrito obxecto deste asunto.

ASUNTOS URGENTES.

Polos veciños deste Concello, faise saber a este Concello Pleno que polas obras que estanse a efectuar na estrada N-550, ante os graves accidentes que frecuentemente se producen na mesma, e tendo en conta o trazado da mesma, propoñen a este Concello neste acto, que a vía lenta desa estrada proxectada desde a saída deste Concello en Vilavella ata o Cemiterio de Mañó sexa eliminada, e que o trazado da vía lenta se traslade despois do citado Cemiterio. Por outro lado piden a construción de beirarrúas desde Vilavella ata o Cemiterio de Mañó, a instalación de semáforos así como de sinais que limiten a velocidade na zona en cuestión a cincuenta km/h.

Pola Presidencia asúmese como propia o contido íntegro da proposta dos veciños antes citada, e se pide se declare de urxencia por esta Corporación para o seu debate e aprobación se procedese.

Este Concello Pleno por unanimidade declara de urxencia o presente asunto, pasándose a tratar a continuación o mesmo.

Pola Presidencia ábrese o correspondente turno de debate.

Concedida a palabra pola Presidencia o Concelleiro Sr. Alonso Lemos por este deféndese as medidas reivindicativas plantexadas ante este Pleno polos veciños.

Neste mesmo sentido maniféstanse os Sres. Concelleiros Soto Virulegio e Pazos Docampo.

Concedida a palabra pola Presidencia ó Concelleiro Sr. Puch Casal por este propónse para un correcto estudo deste asunto a constitución neste Concello dunha Comisión mixta que estaría integrada por veciños afectados, representantes de Grupos políticos deste Concello e representantes do M.O.P.U.

Este Concello Pleno por unanimidade presta aprobación á proposta do Sr. Presidente que recolleu tódalas reivindicacións efectuadas polos veciños deste Concello en relación coas obras que estanse a levar a cabo na estrada N-550.

11.- ROGOS E PREGUNTAS.

Non se formularon.

E, non habendo máis asuntos que tratar, pola Presidencia levantouse a sesión, sendo as vinte horas e cincuenta e cinco minutos da data fixada no encabezamento, e en proba de todo o que, se estende a presente Acta, que se inscribiu no Libro dende o folio 095 do Papel Timbrado da Comunidade Autónoma de Galicia Serie A Nº 0361097 ata a volta do folio 102, Serie A Nº 0361104, de todo o que, como Secretario, DOU FE.-

O ALCALDE ACCTAL.

O SECRETARIO

EMILIO GONZALEZ IGLESIAS

LUIS TORRADO VAZQUEZ